

Ubutuuli Ubufuma Kumwanya

Kisimbigwe na Gwatisoni Goodmani

Kya itolo kikaja kya kulisya

Ubutuuli Ubufuma Kumwanya

Kitende kesigwe ku bu nandi ukuti bembembelege nakyo ukuti kibaligwe, apa linga jumo ikungulila unnine. Amasyu amanywamu gasaligwe ukufuma mmasimbo amikemo kokuti mwa Bibilia.

Isyu lya Kyala "lifumile kumwanya", bobutuli bumo ubukulumba mundumbula sya aba bali ninjala, ni kyumilwa ikya bugolofu. Apa linga umundu ilatile, nu kusileka imbibi, nu kummwitika umpoki, untwa gwitu Jesu Kilisiti, nu mojo Gwake gosa, untwa abagile ukwijina ngisya mwene kumyake, nukutwala ulusekelo nu lutengano nkati mmundu umwitiki. Nabombeligwe bo isyo jujune nkyinja kya 1937, ifyinja fingi ifi fikindile. Lelo ngale kanapo mububombelanisi bwake untwa Gwangu. Nikukusuma ukuti Gwisokesve kumvake nkabalilo aka linga Gwakali ndi isi.

-Gwatisoni Goodmani (1920-2002)

Baroma 5:8 Loli Kyala anangisye ulugano lwake kumyitu, pala Kristi atufwilege bo tukali tuli batulanongwa.

Yohani 13:1

Lelo bo ikyaka kya Pasa kikali ukufika, popapo Yesu alinkumanya ukuti akabalilo kake aka kusokelamo nkisu ukubuka kuGwise kisile. Bo papo abaganile abandu bake nkisu, popapo alinkubagana ukufika kubumalikisyo.

Ubusetuli 1:5

Nukufuma kwa Yesu Kristi, unketi unsubiligwa, ugwa kipanda ukufuma mbafwe, unkulumba gwa batwa ba nkisu. Kuli uyu atuganile uswe, atwabwile kubutulanongwa bwitu nilopa lyake.

Yohani 3:16

Namanga bo akiganile bunobuno Kyala ikisu, ko kwenda nukukipa uMwanake yumoywene ntiga, bosa aba bikumwitika ukuti bangapyutigwaga, loli babwage ubumi bwa bwila.

Jeremia 31:3

Untwa alinibonekilemo ijolo, ajobile, ee, nguganile nu lugano ulwa bwila bwila, jo njila iji ngukwabile mbwigane bwangu.

Ubwakyala Bwake Jesu Kilisiti

1 Timoti 3:16

2

Syo nayumo atikukana isya kubutitu isya kuntila Kyala, uyu abonekile mumbili gwa bundu, ayobigwe ubugolofu mwa Mbepo, balimbwene abandumi, afumusigwe mbapanja, balmwitike aba nkisu, kangi afyusigwe mbukulumba.

Kubwandilo aliko Isyu; umwene Isyu ali na Kyala; kangi Isyu ali yo Kyala... Popapo Isyu alinkuya mbili alinkwitugala mmyitu; tulinkububona ubukulumba bwake, ubukulumba bo ubwa Mwana yumoywene ntiga nGwise, uyu iswile ilipyana nubwanaloli. —Yohani 1:1, 14

Matai 1:22, 23

Syosa sisisi sisaga ukuti mo simalikilege sisyo uNtwa asiyobelege munkunguluka ukuti: keta undindwana isakwinogaga, isakumpapaga umwana undumyana, yo bisakumpaga ingamu ya Imanueli; ko kuti Kyala ali nanuswe.

Umwene Yesu alinkumbula alinkuti: Ngonile nanumwe akabalilo akatali, na ulu ukali ukamanya une gwe Filipu? Uyu linga ambwene une, bo ambwene na Tata; po fiki apa kuti utunangisyege uGuso? Syo utikwitika ugwe ukuti une ndi mwa Tata, yope Tata ali mmyangu? —Yohani 14:9, 10a

1 Yohani 4:15

Gwesa uyu linga ikwitika ukuti Yesu yo Mwana gwa Kyala, yo Kyala ikuyaga bwila mu mmyake, yope ikuyaga bwila mwa Kyala.

Bakolosi 2:9

Namanga mmyake mo bulimo ubupelelesye bosa bwa Kyala ulwa mbili.

Matai 17:5

Lelo bo akali ikuyoba, popapo balinkunyomoka ilibingu ilyelu libakupikile, balinkwaga ilisyu likufuma mwibingu likuti: Uyu yo Mwanangu unkundwe, uyu nikyelile nagwe; yo mumpilikisyege yuyo. Umwene ugwandumi alinkuti: Mbepo Mwikemo isakukwisilaga, namaka ga yu Nkinde gisakukukupikilaga; ko kuno uyu isakupapigwaga, isakuyobigwaga ukuya Mwikemo-Mwana gwa Kyala. —Luka 1:35

Jesaja 9:6

Kunjila ijitu umwanike apapigwe, tupeligwe umwanike undu myana; umwene jo alinako akajilo aka butwa, bo bukujaga mfibeja fyake; umwene jo ikukoleligwaga ingamu ijake, ndongi gwa ugwa kiswigo, Kyala ugwa maka, tata ugwa bwila bwila, Umalafyale ugwa lutengano.

Jesu Ikwifumusya

Yohani 8:23

4

Umwene alinkubamula alinkuti: Umwe muli ba pasi, une ndi gwa kumwanya; umwe muli ba nkisu iki, une ngaya gwa nkisu iki.

Yohani 9:5

Apa ndimo nkisu, po ne lumuli lwa kisu.

Yohani 13:13

Umwe mukunjoba iya Mmanyisi niya Malafyale, lelo syo mukutalusya, buno bo ndi naloli.

Yohani 11:25

Popapo Yesu alinkumbula alinkuti: Ne kusyuka, ne bumi yuyune. Uyu linga ikunyitika, napa linga ikufwa ikuyaga mumi itolo.

Yohani 6:35

Popapo Yesu alinkubabula alinkuti: Yo une ne kisyesye ikipelabumi; uyu linga ikwisa kumyangu, yo yitisakundumaga injala; kangi uyu ikunyitika une, yo atisakumilwamo siku.

Yohani 8:58

Umwene Yesu alinkubabula alinkuti: Naloliloli nikubabula une nikuti, bo akali nukupapigwa Abrahamu, une bo ndiko.

Yohani 10:7

Popapo Yesu alinkubabula kangi alinkuti: Naloliloli nikubabula une nikuti, une ne kifigo kya ng'osi. Luka 5:5,6 Alinkwamula Simoni alinkuti: Malafyale, twiyulile ikilo kyosa tukakola nafimo, loli kwisyu lyako nikusopaga inyelo. Lelo bo babombile sisisi balinkubungania iswi inyingi fiyo, inyelo syabo silinkulonda nukulatuka.

Matai 14:19-21

Alinkufilagila ifilundilo ukuti fitugale pasi palisu; popapo alinkwega ifisyesye fihano fila niswi ibili sila, alinkuketa kumwanya alinkugwa ulupi, alinkufimenyania ifisyesye alinkubapa abafundigwa bake, abene balinkufipa ifilundilo. Bosa balinkulya balinkwikuta. Popapo balinkusala utumenya utu twasyele, balinkwisusya ifibo kalongo na fibili. Abene aba balile baliti bali pa baelifu bahano (5000) abanyambala, kisitakubala abakikulu nabana.

Matai 20:30, 34

Lelo balipo abafwamaso babili aba batugesye pambali panjila, bo bapilike ukuti yo Yesu ikukinda, balinkukolela balinkuti: Ulitupakisyaga gwe Malafyale, gwe nnya David.... Umwene Yesu ikisa kilinkumwaga, alinkubapalama sya amaso gabo, popapo nakalinga itolo balinkuketa. Abene lelo balinkunkonga. Namanga fyosa fipeleligwe mu mmyake yuyo, ifya kumwanya nifya pasi, ifi fikuboneka nifi fitikuboneka, nalinga fikota fya butwa, nalinga bunyafyale, pamo bukulumba pamo maka; fyosa itolo fipeleligwe mu mmyake kangi panongwa yake.

– Bakolosi 1:16

Namanga syo siso Kristi afwilile nukuya mumi, ukuti ayege Ntwa gwa bafwe nabumi.

-Baroma 14:9

Lelo fikuti inyumba yosa ya Israeli bamanyege kisita kwilamwa, ukuti Kyala ampelile Yesu, uyu mwankomelaga pakikohekano ukuya Ntwa, kangi ukuya yo Kristi.

—Imbombo sya Batumigwa 2:36

Kyala...yo mmasiku ga kusulo gagaga isilekuyobela nanuswe mMwanake, uyu alimbikile ukuya mwingilapo pakilingo kya fyosa, muli uyu nifisu afipelile mu mmyake.

-Abahiburi 1:2

Fyosa itolo fyapeleligwe mu mmyake, asobe yuyo angali kakapeligwako nakamo aka kapeligwe. —Yohani 1:3

Kyala yo nsubiligwa itolo, uyu mu mmyake mo mubilikililigwe mbulilanisi bwa Mwanake Yesu Kristi uNtwa gwitu. -1 Bakorinti 1:9

6

Loli ugwe kundonga fiki ugwamyinu? Nungwe gwe yungi kunsyokela fiki ugwamyinu? Buno twesa muno tuyilile, tukwakwimaga nkyeni nkikota kya bulongelo bwa Kyala. —Baroma 14:10

Po ifikolo fyosa fisakubunganaga nkyeni mmyake; po umwene isakubapagulaniaga, bo apa untimi ikusipagulania ing'osi nimbene. —Matai 25:32

Buno uGwise atikundonga nayumo, loli ubolongi bosa ampele uMwana. --Yohani 5:22

Yo ali nulupetelo nkiboko kyake, ukuti apyagilege ikipalo kyake, nukubunganikisya ingano nkituba kyake, loli unkupili go isakugukosyaga numoto ugu gutikusimamo. —Luku 3:17

7

Pisiku lilyo—ukufwana nIbangeli lyangu—Kyala isakusilongelaga isya mbutitu sya bandu mwa Yesu Kristi. —Baroma 2:16

Nikukulagilia nkyeni mwa Kyala, na mwa Kristi Yesu uyu isakubalongaga abumi nabafwe, nkwisa kwake na mbutwa bwake. -2 Timoti 4:1

Alinkutulagila ukufumusya kubandu nukusisimikisya ukuti, uyu yo uyu imikigwe na Kyala ukuya yo ndongi gwa bumi nabafwe.

-Imbomo sya Batumigwa 10:42

Ubupoke Bukufuma Mwa Kilisiti Itolo

Yohani 10:9 Une ne kifigo, linga yumo ikwendela mmyangu pakwingila, yo isakuponaga; yo isakutigi nukwingila nukusoka, kangi isakuyagaga nindeka.

8

Yohani 14:6

Umwene Yesu alinkumbula alinkuti: Yo une ne njila, ne bwanaloli kangi ne bumi; nayumo atikwisako kwa Tata, pene papo linga ikwendela mmyangu.

Yohani 8:24

Po apa mbabulile ukuti mukufwilaga mumbibi syinu; papo linga mutikwitika ukuti une yo yuyune, mwisakufwilaga mumbibi syinu.

Abahiburi 5:9

Lelo bo apeligwe mpelelesye itolo, popapo alinkuya nyibuko ya bupokigwa bwa bwilabwila, kuli bosa aba bikumpilika.

Abahiburi 7:25

Fyobene umwene abagile ukubapoka naloli, bosa aba linga bikwendela mu mmyake ukwisa kwa Kyala, papo umwene mumi bwila itolo, ikubapyelekesya.

Imbomo sya Batumigwa 4:12

Bukayamo nabumo ubupoki mmundu uyungi; namanga yikayako nayimo ingamu iyingi kusi kumpalanga, iyi bapegigwe abandu, muli iyi fikuti mo tubwagilege ubupokigwa. Bakolosi 1:12-14 Bo mukugwa ulupi kuGwisemwe uyu atupelile ukuya bingi lanisi pakilingo na bikemo ndumuli. Umwene yo atupokile kumaka ga ngisi, atusamisye nukutwingisya mbutwa bwa Mwanake unkundwe; muli uyu tubwagile ububangigwa nubuswe bwa mbibi.

Luka 19:10

Namanga Nnyamundu isile nkukalonda nukukapoka aka kasobile.

1 Bakorinti 1:30

Loli muli yuyo mwipelile ukuya ba mwa Kristi Yesu, uyu Kyala alimpelile ukuya mahala gitu, bugolofu bwitu, bwikemo bwitu, kangi bubangi bwitu.

Titi 2:14

Uyu aliningile panongwa yitu, ukuti atubangege muli syosa isi sikindene nindagilo, ko kuti iyelukisyege abandu aba kuya bake, aba bikwiyula ukubomba si nunu.

Ubusetuli 5:9

Abene bo balinkwimba ulwimbo ulupya balinkuti: Ubagile ugwe ukwegda kalata nukwigula utukolekelo twake, papo gwaboligwe, kangi ubulile nilopa lyako abandu ukufuma mfikolo fyosa, munjobelo syosa, mbandu bosa na mfisu fyosa ukuti bayege ba Kyala.

10 Ubupela Lutengano Mo Mwilopa Lya Kilisiti

Baroma 5:9 Apa lelo tuyobigwe ubugolofu mwilopa lyake, po tukukindililaga ukupokigwa kungalalisi mu mmyake yuyo.

Baefesi 1:7

Mu mmyake mo tuli nububangi mwilopa lyake, nubuswe bwa ngilanio syitu.

1 Peteri 1:18, 19

Buno mumenye ukuti mukabangigwa nutundu utu tukuyonga, bo yu sahabu, na fesa, kulwendo lwinu ulwa itolo ulu mwalyegile kubisemwe; loli mubangigwe nilopa ilipala ilya Kristi, ili lili bo li lya kang'osi akasita kalema, kangi akasita kababye nakamo.

1 Yohani 1:7

Loli linga tukwenda ndumuli bo apa umwene ali ndumuli, po tuli balilanisi twe babo batupu, lyope nilopa lya Yesu uMwanake likutwelusya kumbibi syitu syosa.

Abahiburi 9:14

Po likupelaga poki lelo ilopa lya Kristi, uyu mwa Mbepo gwa bwila aliningile mwene kwa Kyala, unsitakababye nakamo, ukusyelusya inyibonelo syinu ukufuma mumbombo ifwe, ukuti mumbombelege Kyala umumi?

Ubupoki Nu Lwitiko Buli Mwa Kilisiti 11

Baroma 5:1

Lelo papo ulwitiko lutupelile ukuyobigwa ubugolofu, po tuli ndutengano na Kyala mu mu-Ntwa gwitu Yesu Kristi.

Namanga mo mwipyana muno mubwagile ubupoki munjila ya lwitiko; isyene sisisi sikafuma mmyinu, himma, fyo fyabupe fya Kyala; sisisi syo sikafuma mumbombo, ukuti nayumo angitufyaga. —Baefesi 2:8, 9

Bagalatia 5:6

Namanga mwa Kristi Yesu, ububutigwa kakaya kandu kene, bope nubusitakubutigwa kakaya kandu kene, loli lu lwitiko ulu lukubombela ndugano.

1 Yohani 5:4

Buno kosa aka kapapigwe na Kyala, ko kikukitola ikisu; ubu bo butoli ubu bukitolile ikisu ulwitiko lwitu.

Yohani 20:31

Loli ifi fyo fisimbigwe ukuti mwitikege, ukuti Yesu yo Kristi uMwana gwa Kyala; kangi ukuti bo mwitike, muyege nubumi mungamu yake.

Yohani 6:28, 29

Abene balinkundalusya balinkuti: Tutubulege lelo ukusibomba imbombo sya Kyala? Umwene Yesu alinkubabula alinkuti: Iyi yo mbombo ya Kyala, ukuti mumwitikege yuyo alintumile.

llipyana Lya Kyala

Nulugano lwake kubandu, popapo alinkwenda nukutupoka; mukali mo mumbombo syitu isya bugolofu isi twabombaga, himma, loli mwali mo ndupakisyo lwake itolo, alinkutupoka munjila ya misi ga kupapigwa kangi, nukwanduka uku ikutwandula Mbepo Mwikemo. — Titi 3:5

Boapa ilibingo liinwike pamwanya pakisu, silibobuno buno ubuswe bwake bukulu mba kuli aba bikummwitika. – Zaburi 103:11

Jwani uju jo Kyala bo ugwe, uju ikuswa ubutulanongwa nu kubuleka ububibi ubwa bandu a bapakilingo kya aba basyele? Atikubukola ubukalale bwila, panongwa jakuti umwene ikubusekelela ubuswe. —Mika 7:18

Loli ulugano lwa ntwa lulimo ndiaba balwambilile ukufuma bwila na bwila, nu bwanaloli bwake buli mbana aba ho bana.

-Zaburi 103:17

Panongwa jakuti ulugano lwako lukulumba na kumwanya, nulwitiko lwako lope na mabingo.

-Zaburi 108:4

Lyo ilipyana lya untwa ukuti tungapyutigwaga, kunongwa jakuti uluhobokelo lwake luka ja raa bumalikilo. Lupya itolo kukuti lubunju; ulwitiko lwake lukulu mba. —Maombolezo 3:22, 23

Isaga kumyangu mwesa mwe mukutamigwa, mwe mwilikiligwe nifisito, nikubapaga ubutusyo. -Matai 11:28

Pisiku ilikulumba ilva bumalikisyo ilya kyaka, Yesu alinkwima, alinkukolela alinkuti: Uyu linga umilwe, yo isege kumyangu anwege. -Yohani 7:37

Popapo lelo uswe tuli bimili ba Kristi, ikufwana Kyala ikupyelekesya mmyitu; tukupyelesva mbuvo bwa Kristi tukuti mulisayanaga na Kyala.

-2 Bakorinti 5:20 Umwene Mbepo na yu nsingiligwa bikuti: Isaga! Yope

na uyu ikupilika atigi: Isaga! Yope na uyu linga umilwe, yo isege, na uyu linga iganile, yo isege, egege itolo amisi amapelabumi. – Ubusetuli 22:17

Oko lelo, kukuti uju alinikyumilwa, isaga mmisi, na uju linga akaja nindalama; isaga, ulaga mulyege; Ee, isaga; mulyege amafilu nu lukama, kisita ege amamu na ndalama kisita kiusi. — Jesaja 55:1

Oko, isaga, tujobesanie, untwa. napa linga ubutulanongwa bwinu bufubifu fijo, bubagile ukweluka bo saluji; Napa linga imbibi sili bo indembela, sibagile ukuja bo imitunda. – Jesaja 1:18

Mo mumo bikubonekela abana ba Kyala nabana ba mohesi; gwesa uyu linga atikubomba ubugolofu kangi atikungana ugwamyabo, yo akafuma mwa Kyala. —1 Yohani 3:10

Buno bosa aba ikubalongosya Mbepo gwa Kyala, bo bana ba Kyala itolo. Namanga mukamwambilila Mbepo gwa butumwa, uyu ikubalabikisya kangi kulutende, himma, loli mwambilile Mbepo gwa bwana, yo uyu tukukutilamo tukuti Abba, ko kuti Tata! —Baroma 8:14, 15

Bafilipi 2:15

Ukuti muyege basitakuyobigwa ububibi, kangi muyege basitanongwa, muyege bana ba Kyala abasitakilema nakimo mungulilo iniongafu iyi yikagoloka, muli iyi umwe mukulangala nkisu bo indondwa.

2 Bakorinti 6:17, 18 Bunobuno lelo amusokengemo mmyabo, mwipagulege kumyabo, bo ikuya uNtwa, Mungakapalamasyaga akanyali; po nisakubambililaga, kangi nikuyaga gwisemwe, nanumwe mukuyaga banangu abalumyana nabalindwana, bo ikuya uNtwa Umwenemaka.

Loli bosa aba balimwambilile, aba bayitike ingamu yake, bo abapele amaka ga kuyila bana ba Kyala. —Yohani 1:12

Muno Ikujobela Kyala Nkinwelo Iki Kikutwala Ukugala

Mwandege ukuti indumbula syinu singipelaga sito nubupafu nubugale, nukwikolania nifya bumi ubu, ko kuti ilisiku lila lingisakubisilaga nukubambulania bo untego; namanga bo sisakubisilaga bosa aba bayengile pamwanya pakisu.

-Luka 21:34, 35

Bo tukwenda twiyufyege, tubonekege ukuya ba pamusi; tungayaga balufu kufindu, tungayaga bagalabwalwa, tungayaga balogwe pamo bahahani, tungayaga ba kulwa, kangi tungayaga ba babini; loli mumfwalege uNtwa Yesu Kristi, kangi umbili gwinu mungagulekaga ukuti gulabilege kufinyonyo. —Baroma 13:13, 14

Muli baki mwe mukulembuka nakafwelelelma. Ukuti ba ba kongege nkugala; nukuja nubutoli fijo na pakilo pakati ukwisa kufika papo ikinwelo kyakile bo ulwa moto nkati mmyabo!

-Jesaja 5:11

Ungakiketaga ikinwelo ko kikukifu; bo kikubika ukufukifu nkikombe, bo kikusuluka pasi panandi panandi fijo. Po kummalikisyo kisakujaya kikalingati njoka kikulasa ngati mwifwa. —Mithali 23:31 1 Yohani 5:12 Uyu linga ali nagwe uMwana, yo ali nabo ubumi; loli uyu linga akaya nagwe uMwana gwa Kyala, yo akaya nabo ubumi.

Marko 10:17-22

... Gwe Mmanyisi gwe nnunu, mbombe fiki ifya kwakwingilila pakilingo kya bumi bwa bwila? Umwene Yesu alinkuti: Nongwa ya fiki kunjoba ubununu? Akayako nayumo unnunu loli yumoywene, yo yu Kyala. Ingomelesyo usimenye isi sikuti: Ungagogaga, ungalogwaga, ungahiyaga, ungayaga nketi gwa butungulu, ungasyobaga, umwimikege uguso nunyoko. Umwene alinkumbula alinkuti: Mmanyisi, syosa sisisi nsikongile ukufuma mu mbukeke bwangu. Umwene Yesu bo ikunketa alinkungana, alinkumbula alinkuti: Gwagilwe kamokene; bukaga ukulisye fyosa ifi uli nafyo ubapege abalondo, po kwisakuvaga nikyuma kumwanya; na po gwisege ungongege. Popapo alinkwiluka kumaso bo apilike ilisyu lilili, alinkubuka nubusulumanie. namanga ali nikyuma ikingi fiyo.

Jiliko injila iji jikunangisya ukuja ja bwanaloli pakyeni kya mundu; loli lelo ubumalikilo bwake njila sya bufwe. —Mithali 16:25 Baefesi 5:6 Nayumo angabasyobaga namasyu ga itolo, buno go gago gikubatwalila ingalalisi sya Kyala abanya-lufuyo.

Yakobu 1:22

Amwipelege ukuya babombi ba isyu, mungayaga bapiliki itolo aba bikwisyoba bene.

1 Bakorinti 6:9, 10 Kali mukamanya ukuti abasitabugolofu batisakubwingilapo ubutwa bwa Kyala? Mungisyobaga, buno abahahani, naba bikwiputa kufifwani, nabalogwe, naba bikulogwa nabinabo, naba bikwipela bakikulu, nabahiyi, nabanyonywatosa, nabagalabwalwa, nabatukamahelu, niminyambuta, batisakubwingilapo ubutwa bwa Kyala.

1 Yohani 3:7, 8a

Mwe banike umwe, nayumo angabasofyaga, uyu linga ikubomba isya bugolofu, yo ngolofu itolo, bo papo yope umwene ngolofu. Umwene uyu linga ikutula inongwa, bo gwa yu mohesi, namanga ukufuma mu mbwandilo, umohesi ikutula inongwa....

Bagalatia 6:3

Namanga linga yumo ikwiyinogona ikuti ne nongi ndibe, bo ikwisyoba itolo.

18 Ubutala Nongwa Bukutwala Ubufwe

Baroma 5:12

Bo mumo ubutulanongwa bwalisile nkisu muno mmundu yumoywene, bope nubufwe bwendile mbutulanongwa, po apa ubufwe bulinkusatanila mbandu bosa, papo bosa batulile inongwa.

Yakobu 1:15

Ifyene ifinyonyo bo fikabile ikifuba, po fikupapa ubutulanongwa; ubwene loli ubutulanongwa bo bukulile bufikilepo, po bukupapa ubufwe.

Mithala 11:19

Ubwanaloli bo bukulabila kubumi; uju ikubukonga ubutulanongwa jo ikubukonga ubufwe bwake jujo.

Baroma 8:6

Buno ukwinogona isya mbili bo bu bufwe, loli ukwinogona isya Mbepo bo bu bumi nulutengano.

Loli kutubagile ukusekela nukwikyela, buno unnugunago uyu, afwile, lilino mumi; asobile, lilino abonike. —Luka 15:32

Esekia 18:20

Mbepo uju ikubomba imbibi, Jouju isa kufwaga; umwana atisa kubwega ububibi ubwa gwise ugwake. Jope na ju gwise atisa kubwegu ububibi ubwamwanake; Ubwana loli bwa mwene bwanaloli bwake bo bukujaga pamyake. Nabu bubibi bwa mwene bubibi bo bukujaga pa pali jujo. Luka 7:14, 15 Bo asegelile, alinkulupalamasya ulutato, popapa aba balimpimbile balinkwima. Umwene alinkuti: Gwe ndumyana ugwe, nikukubula nikuti sumukaga. Popapo uyu afwile alinkusumuka, alinkwanda ukuyoba; popapo alinkumpa unna.

Yohani 11:43, 44

Lelo bo ayobile sisisi, popapo alinkukolela ilisyu ilikulumba alinkuti: Lazaro, soka. Popapo uyu afwile alinkusoka, aniembeteleligwe nimyenda mmalundi na mmaboko, kangi apinyigwe nikitambala kumaso. Umwene Yesu alinkubabula alinkuti: Amumwabulege, mundeke abukege.

Yohani 10:17, 18 Syo sisyo Tata anganile, papo nikubutaga ubumi bwangu, ukuti nisembwambililege kangi. Nayumo akabupoka kumyangu, loli mbutagile nimwene, ndi namaka ukubutaga, ndi namaka ukubwega kangi. Ululagilo ulu lo ulu nambilile kwa Tata.

Ubusetuli 1:18

Nafwile, loli keta lilino ndi mumi ukwisakufika kubusitakumalika siku na siku; kangi ndi nafyo ifigulilo fya kubufwe na kubusyuka.

Marko 10:17-21

... Gwe Mmanyisi gwe nnunu, mbombe fiki ifya kwakwingilila pakilingo kya bumi bwa bwila? Umwene Yesu alinkuti: Nongwa va fiki kunjoba ubununu? Akayako nayumo unnunu loli yumoywene, yo yu Kyala. Ingomelesvo usimenye isi sikuti: Ungagogaga, ungalogwaga, ungahiyaga, ungayaga nketi gwa butungulu, ungasyobaga, umwimikege uguso nunyoko. Umwene alinkumbula alinkuti: Mmanvisi. syosa sisisi nsikongile ukufuma mu mbukeke bwangu. Umwene Yesu bo ikunketa alinkungana, alinkumbula alinkuti: Gwagilwe kamokene; bukaga ukulisye fyosa ifi uli nafyo ubapege abalondo, po kwisakuyaga nikyuma kumwanya; na po gwisege ungongege.

Matai 22:36-40

Mmanyisi, ulukomelesyo ulukulumba lo luliku ndulagilo? Umwene alinkumwamula alinkuti: Unganege uNtwa Kyala gwako nindumbula vako vosa, numovo gwako gosa, namahala gako gosa. Ulu lo lukomelesvo ulukinde kangi lo lutasi. Ulwa bubili ulu lufwene nalo, lo ulu lukuti: Unganege unnino bo papo gwiganile gwimwene. Pangomelesyo ibili sisisi, po apa lwitotike ululagilo losa nabakunguluka.

Ukabagila Ukwifisa Nkyeni Mwa Kyala 21

Imbombo Sya Batumigwa 17:27 Ukuti bandondege Kyala, nukuti pamo bapusanikege nukumwaga, napapo umwene akaya pabutali pali yumoyumo mmyitu.

Luka 8:17

Papo nakamo aka kibilile aka katisakutupuka, kangi nakamo aka kubutitu aka katisakumanyigwa nukuya pabwelu.

Zaburi 139:8, 12

Linga nafyukaga kumwanya, kuno ugwe uliko; nabagile ukuti kubusyuka kijege kitala kyangu ugwe uliko; naji ngisi jope jika kufisa nafimo. Loli ikilo kyo kilinu lumuli ngati po pamusi; Ingisi nu ndangalila kumyako fifwene itolo.

Mithali 15:3

Amaso ga ntwa gwako gali mosa mosa; go gikunketa umbibi nu mnunu.

Jeremia 23:24

Bule; aliko umundu uju abagile ukwifisa pabupalapala pabutitu; ukuti ndinga mbona?

Abahiburi 4:13

Kakayako nakamo akapeligwa aka kibilile nkyeni mmyake, loli fyosa itolo fili bwasi, kangi fili pabwelu nkyeni mmyake, uyu tukwakwamulanaga nagwe.

22 Ulukubilolwa Bwila Kuliaba Bikubomba Imbibi

Matai 13:41, 42

Nnyamundu isakubatumaga abandumi bake ukufuma mbutwa bwake, kukusibungania syosa imbesyo nabilandagilo, bo bisakubasopaga mwitende lya moto; mo sisakuyaga nguto nulusyegetulo lwa mino.

2 Peteri 3:7

Ifya kumwanya fya lilino pamopene nikya pasi, fibikigwe ukugugulila umoto, kangi fibikigwe ukwisakufika pisiku lya bulongelo, napa bisakupyutigwaga abandu aba batikuntila kyala.

Matai 18:8

Linga ikiboko kyako pamo ikilundi kyako kikukusofya, ukibute ukitage; buno kununupo ugwe ukwingila mbumi bo gwagilwe ikiboko pamo ikilundi, ukukinda ukuya namaboko mabili pamo amalundi mabili, bo kuta gigwa mmoto gwa bwila.

Matai 25:46

Abene aba bo bisakubukaga kulufundo lwa bwila, loli abagolofu bisakubukaga kubumi bwa bwila.

Baroma 1:18

Namanga ingalalisi sya Kyala sikinguligwe ukufuma kumwanya pabwila-Kyala bosa, nubuniongafu bwa bandu bosa aba bikubugomolela kunyuma ubwanaloli nubuniongafu bwabo. Imbombo Sya Batumigwa 17:31 Papo alyimikile ngani ilisiku ilya kwisakukilongelapo ikisu mbugolofu, mmundu uyu alimwimikile ngani. Sisisi syo asisisimikisye kubandu bosa apa ansyusyaga mbafwe.

Loli uNtwa amenye ukubapoka ndugelo aba bikuntila Kyala, nukubabika ndufundo abasita bugolofu ukufika pisiku lya bulongelo. —2 Peteri 2:9

2 Bakorinti 5:10

Namanga twesa fikuti tubonekege nkyeni nkikota kya bulongelo ikya Kristi, ukuti umundu gwesa ambililege ifhombigwa fyake, fya isi abombile mumbili gwake, linga finunu pamo fibibi.

1 Yohani 4:17

Mo mumo ulugano lwipelile ukuya lupelelesye mmyitu, ukuti twise tuyege bakifu pisiku lya bulongelo, namanga bo mumo ayilile, mo mumo nanuswe tuyilile nkiso muno.

Abahiburi 9:27

Lelo bo papo abandu babikigwe ukuti bikufwaga kamokene, panyuma pali isi po kwisege ukulongigwa.

Baroma 14:12

Bunobuno lelo twesa itolo muno tuyilile, tukwakwiyobelaga kwa Kyala uyu isyake uyu isyake. Baroma 5:15

Loli ikikungilwa iki, kikaya bo ubusobi bula; namanga linga bingi bafwile panongwa ya busobi bwa mundu yumoywene, po likukindililaga itolo ukubalefukila ba bingi ilipyana lya Kyala, nifyabupe fya mwipyana lya mundu yumoywene yula, yu Yesu Kristi.

Baroma 9:16

Bunobuno lelo sitikukonga ubwigane bwa mundu pamo ukwiyula kwake, himma, loli sikukonga ndupakisyo lwa Kyala.

2 Bakorinti 8:9 Namanga mulimenye ilipyana Iya Ntwa gwitu Yesu Kristi, ukuti

napa umwene ali nkabi, loli alipelile ndondo panongwa yinu; ukuti mbulondo bwake mwipelege bakabi.

1 Peteri 5:5b ... buno Kyala ikubapinga aba

matingo, aba lwiyisyo bo ikubapa ilipyana.

2 Bakorinti 9:15

Atugwege ulupi kwa Kyala kufyabupe fyake, ifi tukabagila nukufikapo ukufiyoba.

Imbombo Sya Batumigwa 4:33

Popapo abatumigwa balinkusisimikisya namaka amakulumba isya kusyuka kwa Ntwa Yesu; lyope ilipyana li lingi lilinkuya nabo bosa. Imbombo Sya Batumigwa 17:30 Utwene utubalilo twa busitakumanya, to Kyala atulekile itolo, loli lilino ikubalagila abadu bosa, mosamosa ukuti bapindukege.

Luka 13:3

Une nikubabula nikuti, himma, loli linga mutikupinduka, mwesa mwisakupyutigwaga bo bububo.

Imbombo Sya Batumigwa 2:38

Popapo Peteri alinkubabula alinkuti: Amupindukege, mosigwege mwesa mungamu ya Yesu Kristi, ukuti mubwage ubuswe bwa mbibi syinu, po mwisakwambililaga ikikungilwa kya Mbepo Mwikemo. Imbombo Sya Batumigwa 3:19 Amupindukege lelo mugomokege, po inongwa syinu sisakomoligwaga; ukuti twisege utubalilo twa kuhobokelamo ukufumu ku-Ntwa.

2 Bakorinti 7:10

Namanga ubusulumanie bwa mwa Kyala bukupela ulupinduko, ulu lukutwala ubupoki, ulu nayumo atikulusulumanikisya; ubwene loli ubusulumanie bwa nkisu, bukupela ubufwe.

Nikubabula une nikuti, bunobuno lelo luliko ulusekelo nkyeni mbandumi ba Kyala, panongwa ya ntulanongwa yumo uyu ikupinduka. —Luka 15:10

Matai 6:14

Namanga linga mukubaswa abandu ubusobi bwabo, po yope uGwisemwe uyu ali kumwanya isakubaswaga nanumwe.

Ubusetuli 3:20

Keta nimile pakifigo nikukung'unda, uyu linga ikulipilika ikisyu lyangu nukwigula ulwigi, yo nisakwingilaga mmyake nukulya nagwe, kangi yope isakulyaga nanine.

Marko 2:5

Umwene Yesu bo alubwene ulwitiko lwabo, po alinkumbula ugwa bukokonyale alinkuti: Gwe mwanangu ugwe, uswegigwe inongwa syako.

Luka 24:47

Nisya kuti ulupinduko nubuswe bwa nongwa fifumusigwege mungamu yake kufikolo fyosa, —ukwanda mu-Yerusalemu.

Imbombo Sya Batumigwa 5:31

Umundu uyu, yo uyu Kyala amwimike nikiboko kyake ikililo, ukuya Ndongosi, kangi Mpoki gwa kwisakubapa abany'Israeli ulupinduko, nubuswe bwa nongwa.

Umwene alinkwamula alinkuti: Nayumo Malafyale. Popapo Yesu alinkumbula alinkuti: Po nanine ndikukutobesyaga. Bukaga, loli ukwanda lilino ungatulaga inongwa kangi. — Yohani 8:11

Amwijepusyege Nifinyonyo Fya Nkisu

Titi 2:11, 12

Namanga libonike ilipyana lya Kyala ilya kubapoka abandu bosa; ilyene likutumanyisya ukuti tubukanege ubusitakummanya Kyala, nifinyonyo fya nkisu, nukuti ubumi bwitu nkisu muno buyege bwa mahala, bwa bugolofu, kangi bwa kuntila Kyala.

Bakolosi 3:2

Mwinogonege si sya kumwanya, munginogonaga si sya pasi.

1 Yohani 2:15, 16 Komma ukukigana ikisu, fyomma nifi fili nkisu. Uyu linga akiganile ikisu, yo ulugano lwa

kungana Tata lukayamo mmyake. Buno fyosa ifi filimo nkisu, ifinyonyo fya mbili, nifinyonyo fya maso, nulwiyumbiko lwa bumi ubu, fyo fijafuma kwa Tata, loli fifumile nkisu.

Baefesi 5:11

Mungayaga balilanisi mumbombo sya mungisi isita seke nasimo, loli kununupo ukusitobesya pabwelu.

Yakobu 4:4

Mwe basimisi umwe, mukamanya ukuti ukumanyana nikisu ko kuya kilugu na Kyala? Bunobuno lelo, gwesa uyu ikulonda ukumanyana nikisu, yo ikwipela ndugu gwa Kyala.

Ukupapigwa Ubupya

1 Yohani 2:29

Linga mummenye umwene ukuya yo ngolofu, po musyaganiege ukuti gwesa uyu ikubomba isya bugolofu, bo ampapile yuyo.

2 Bakorinti 5:17

Lelo uyu linga ali mwa Kristi, yo ikuya kipeligwa ikipya itolo; isya mbukulu syo sikindile, keta sipelile mbya itolo.

Yohani 3:3

Umwene Yesu alinkumwamula alinkuti: Naloliloli nikukubula une nikuti, umundu akabagila ukububona ubutwa bwa Kyala, loli pene apa linga ikupapigwa kangi.

1 Yohani 5:18

Tumenye ukuti gwesa uyu apapigwe na Kyala atikutula inongwa; loli uMwana gwa Kyala ikundindilila, po umbibi yula atikumpalamasya.

1 Peteri 1:23

Buno apa mwandigwe ukupapigwa, po mukafuma mumbeyu iyi yikubola; loli mufumile mumbeyu iyi yitikubolamo, mwisyu lya Kyala ilyumi, ili likuyako bwila itolo.

Yohani 10:10

Unhiyi yo ikwisa itolo nkuhiya, nkugoga na nkonanga; une nisile ukuti bayege nubumbi, bayege nabo ubu bukelilwe itolo.

Ukufwa Mu Mbibi-Ukusyuka Mwa Kilisiti

Baefesi 2:1, 6

Nanumwe mwe mwafwile mungilanio na mbutulanongwa bwinu,...Atusyusisye lumo nagwe, nukututugasya nagwe kumwanya mwa Kristi Yesu.

1 Peteri 2:24

Umwene yo abupimbile mumbili gwake ubutulanongwa bwitu bosa pakipiki, ukuti bo tufwile kubutulanongwa, tuyege bumi kubugolofu; yo uyu mubumbulukile mfifulalo fyake.

Bakolosi 3:1-3

Lelo linga musyukile lumo na Kristi, po musilondege isya kumwanya kuno aliko Kristi, uyu itugesye kukiboko ikililo kya Kyala; mwinogonege si sya kumwanya, munginogonaga si sya pasi. Namanga mufwile itolo, ubumi bwinu bwibilile lumo na Kristi mwa Kyala.

Bagalatia 5:24

Loli aba bali mwa Kristi Yesu, bo bagukomile pakikohekano umbili gwabo pamopene nukulikalika kwake, nifinyonyo fyake.

Baroma 6:2, 11

Himma, tungasulwa; uswe twe twafwile itolo kubutulanongwa, po tuyege bulebule mumo?... Bunobuno na yuyumwe mwimanyege ukuti muli bafwe kubutulanongwa, loli muli bumi kwa Kyala mwa Kristi Yesu.

Ubumibwa Bwila

Yohani 3:14, 15 Nayumo akafyukako kumwanya, loli mwene uyu asulwike ukufuma kumwanya, yo yu Nnyamundu, |uyu ali kumwanya.] Bo papo Mose inulaga injoka ndungalangala, bo fikuti yope na Nnyamundu inuligwege.

Yohani 17:3

Ubu bo bumi bwa bwila, linga bakumenye ugwe ukuya gwe Kyala gwa naloli gwimwene, batile nukummanya Yesu Kristi uyu untumile.

Yohani 3:36

Uyu ikumwitika uMwana, yo ali nabo ubumi bwa bwila; loli uyu ikumfuya uMwana yo atisakububonaga ubumi, yo ingalalisi sya Kyala sikuyaga pamyake.

Baroma 6:23

Namanga ifihombigwa fya butulanongwa bo bu bufwe; ifyene loli ifyabupe fya Kyala, bo bu bumi bwa bwilabwila, mwa Yesu Kristi uNtwa gwitu.

Yohani 5:24

Naloliloli nikubabula une nikuti: Uyu linga ikupilika ilisyu lyangu, nukumwitika uyu andumile une, yo ali nabo ubumi bwa bwila; yo atikwisapo pabulongelo, yo alobwike ukufuma mbufwe abukile mbumi.

Bagalatia 4:6 Lelo papo umwe muli bana, po apa Kyala antumile Mbepo gwa mwanake mundumbula syitu, uyu ikukuta ikuti: Abba! ko kuti Tata! Bunobuno lelo ulekile ukuya ntumwa.

Yohani 14:21

Uyu linga ali nasyo indagilo syangu, kangi ikusikonga, yo uyu anganile une; lelo uyu anganile une, yo isakuganigwaga na Tata, nanine nisakungananga, kangi nisakwibonesyaga kumyake.

Baroma 8:16

Yo yu Mbepo uyu ikusisimikisya pamopene nimbepo syitu ukuti tuli bana ba Kyala.

1 Yohani 3:18, 19

Mwe banike umwe, tungagananilaga li isyu na gu ndomo, loli tugananilege mumbombo na mbwanaloli. Muli sisisi mo twisakumanyilamo ukuya ba mbwanaloli, nukusitengania indumbula syitu nkyeni mmyake.

1 Yohani 4:13

Muli sisisi mo mumo tumanyile ukuti bwila tukuya mmyake, yope ikuya mmyitu; nukuti atupele ikiyabo kya Mbepo gwake.

1 Yohani 2:3

Kangi muli sisisi tumenye ukuti tummenye yuyo, linga tukusikonga ingomelesyo syake.

32 Ukuja Nu Bumi Bwa Kilisiti Mundu Mbula Bukutwa La Ulusekelo

Yohani 17:13

Loli lilino nikwisa kumyako, nikusiyoba sisisi bo ngali ndi nkisu, ukuti ulusekelo lwangu luyege lupelelesye itolo mmyabo.

Buno ubutwa bwa Kyala fikaya fyakulya pamo fyakunwa, loli ubwene bo bugolofu, nulutenga no, nulusekelo mu mwa Mbepo Mwikemo. —Baroma 14:17

Bagalatia 2:20

Ngomeligwe lumo na Kristi pakikohekano; loli ngaya yo yuyune ne ndi mumi, loli Kristi yo mumi mmyangu; namanga apa ndi mumi umbili, po ndi mumi ndwitiko mMwana gwa Kyala uyu alinganile une nukwininga panongwa yangu.

Sisisi syo mbabulile ukuti ulusekelo lwangu luyege mmyinu, nukuti ulusekelo lwinu luyege lupelelesye itolo. —Yohani 15:11

Yohani 16:22, 24

Nanumwe lelo muli nubusulumanie, loli nisakubabonaga kangi, po indumbula syinu sisakusekelaga, kangi ulusekelo lwinu nayumo atisakulusosyangapo pamyinu.... Ukwisakufika kulilino kuno, mukasumilamo nafimo mungamu yangu; amusumege po mukwambililaga, ukuti ulusekelo lwinu lwipelege lupelelesye. Baroma 6:16 Mukamanya ukuti uyu linga mukwininga ukuya batumwa bake, mukupilika kumyake, po muli batumwa ba yuyo mukumpilika, nalinga ko kuya mbutumwa bwa butulanongwa ubu bukulabisya kubufwe, nalinga ko kuya mbutumwa bwa lupilikisyo ulu lukukabisya kubugolofu?

2 Batesalonike 1:7-9

Umwe loli mwe mukukubilwa, isakubagomokesyaga ulutusyo pamopene nanuswe, bo uNtwa Yesu ikwisa ukufuma kumwanya nabandumi aba maka gake, mundapi sya moto, kukubagomokesya ulufundo bosa aba bakammanya Kyala, naba bikusila inongwa inunu sya Ntwa gwitu Yesu, bo aba bisakufundigwaga ndupyuto lwa bwila, nukusosigwamo nkyeni muNtwa, na mbukulumba bwa maka gake.

Baroma 2:13

Namanga bakaya bo bagolofu kwa Kyala, aba bikupilika kwene ku kupilika ululagilo, loli aba bikulukonga ululagilo, bo aba bisakuyobigwaga ubugolofu.

Ubusetuli 22:14

Basangalufu aba bikusuka imyenda gyabo, ukuti bayege namaka pampiki gwa bumi, nukuti bendelege mfipata ukwingila nkaya.

34 Ukwilata Kwa Kilisiti Kanunu Ukwilata Kwa Kilisiti

Matai 10:32, 33

Popapo lelo gwesa uyu linga ikunyitika nkyeni mbandu, yo nanine nisakumwitikaga nkyeni mwa Tata uyu ali kumwanya; loli uyu linga ikwikana kumyangu nkyeni mbandu, yo nanine nisakunkanaga nkyeni mwa Tata uyu ali kumwanya.

Baroma 10:9, 10

Buno linga kunjoba pabwelu nkanwa mmyako, kuti Yesu yo Ntwa, kangi kwitika mundumbula yako ukuti Kyala alinsyusisye mbafwe, kwisakupokigwa ga. Namanga ulwitiko ulu lukulabisya kubugolofu, luli mundumbula, loli ukunjoba pabwelu uku kukulabisya kubupoki, kuli nkanwa.

1 Yohani 2:23

Gwesa uyu linga ikunkana uMwana, yo akaya nagwe uGwise; uyu linga ikumwitika uMwana, yo ali nagwe yope na yu Gwise.

Luka 9:26

Buno uyu linga ikuya nisoni kumyangu na kumasyu gangu, yo uyu Nnyamundu isakuyaga nisoni kumyake, bo ikwisa mbukulumba bwake, nubwa Gwise, nubwa bandumi abikemo. 1 Peteri 5:8

Ifindu mwigelaniege, kangi muyege ngenge, buno ugwanongwa yinu yu mohesi, ikwembela bo yi ngalamu iyi yikubuna, ikundonda yumo ugwa kummila.

Matai 4:1, 10, 11

Popapo Yesu alinkulongosi gwa na Mbepo ukubuka ndungalangala, ukuti ageligwege numohesi... Popapo Yesu alinkumbula alinkuti: Sokapo gwe Setano! Buno lisimbigwe ilya kuti. Umbungulukilege uNtwa Kyala gwako, yo umbombelege yuyo mwene. Popapo umohesi alinkundeka, abandumi balinkwisa, balinkumbombela.

2 Batesalonike 2:9

Yo ukwisa kwake kwisakufwanaga nububombeli bwa Setano mmaka gosa, mfika na mfiswigu fya butungulu.

Imbombo Sya Batumigwa 26:18

Ukuti ukabigulege amaso, ko kuti bagomokeko kungisi, bisege ndumuli; bagomokeko kumaka ga Setano, bisege kwa Kyala; nukuti bambililege ubuswe bwa nongwa, nikilingo nkati muli aba bipelile bikemo ndwitiko ulu luli mmyangu.

Baefesi 6:11

Amufwalege ifilwilo fyosa fya Kyala, ifya kubapelela ukubupinga ubukomu bwa mohesi. 2 Batesalonike 2:8 Popapo isakubonekaga umwilangomelesyo, yo uNtwa Yesu isakungoga numuyi gwa nkanwa mmyake, isakumpyutaga nukuboneka kwake bo ikwisa.

Yakobu 4:7, 8a

Amulambege lelo kwa Kyala, mutosanie nagwe umohesi, po umwene isakubabopaga. Amusegelelege kwa Kyala, po yope isakusegelelaga kumyinu....

Baroma 8:35, 37

Ywani at'atupagulege kulugano lwa Kristi? Kali ubutolwe, kali ubukamandanigwa, kali ukufwimigwa, kali injala, kali ukusitakuya nifya kufwala, kali ubulugu, kali ulubo?... Loli muli syosa sisisi, tukukindilila itolo ukusitolela muli yuyo atuganile.

Bo papo lelo abana bikulilanila mwilopa na mumbili, mo mumo yope munjila yiyo alilanile nabo muli fififyo, ko kuti mu mbufwe mo ampyutilege uyu ali namaka ga bufwe—nikumbala yu mohesi. —Abahiburi 2:14

1 Yohani 3:8

Umwene uyu linga ikutula inongwa, bo gwa yu mohesi, namanga ukufuma mu mbwandilo, umohesi ikutula inongwa; buno syo sisyo simpelile ukuboneka uMwana gwa Kyala, ukuti asipalaganiege imbombo sya mohesi.

Ubwigane Kyo Kigelelo Kya Kutumigwa 37

1 Yohani 4:20 Linga yumo ikuti: Nunganile Kyala, bo kuno ambengile ugwamyabo, bo ntungulu itolo; buno uyu linga akangana ugwamyabo uyu ikumbona mmaso, yo akabagila ukungana Kyala uyu atikumbona.

1 Bakorinti 13:1 Linga nikuyobela mundimi sya bandu nisya bandumi, nsite ukuya nalo ulugano papo, bo nipelile kyela itolo iki kikulila, pamo kyela itolo iki kikunyita.

Bagalatia 5:22, 23a Ulwene loli uluseke lwa Mbepo lo lu lugano, ulusekelo, ulutengano, ubufisalyoyo, ubololo, ubununu, ubusubiligwa, ubutengamoyo, nulwifimbilisyo....

Yohani 21:16

Alinkundalusya kangi ulwa bubili alinkuti: Simoni gwe nnya Yohani, kali unganile? Umwene alinkuti: Ena gwe Ntwa, umenye ukuti tumanyene. Umwene alinkumbula alinkuti: Timaga ing'osi syangu.

1 Yohani 3:14

Uswe tumenye ukuti tusokilemo mbufwe, twingile mbumi, papo tubaganile abamyitu. Uyu linga akangana ugwamyabo, yo ikuyaga bwila mu mbufwe. Baroma 4:25 Umwene Yesu yo abikigwe mbufwe panongwa ya busobi bwitu, kangi asyusigwe ukuti tuyobigwege ubugolofu.

Yohani 20:26-28

Lelo bo gakindile amasiku lwele, popapo abafundigwa bake balinkuya mumo kangi, yope Tomasi alinkuya nabo. Alinkwisa Yesu bo inyigi sigaligwe, alinkwima pakati alinkuti: Ulutengano luyege nanumwe. Popapo alinkumbula Tomasi alinkuti: Twala ulobe lwako kuno, ukete amaboko gangu, twala nikiboko kyako ubike palubafu lwangu; ungayaga nsitakwitika, loli gwitikege itolo. Umwene Tomasi alinkwamula alinkuti: Gwe Ntwa gwangu, gwe Kyala gwangu!

Imbombo Sya Batumigwa 10:39-41

Nanuswe tuli baketi ba syosa isi abombaga nkisu kya baYuda, na mu-Yerusalemu; uyu balinkungoga bo bikunkomela pakipiki. Yo uyu Kyala alinkunsyusya pisiku lya butatu, alinkunspelela ukuti abonekege itolo pabwelu, komma kubandu bosa, loli kubaketi aba Kyala abasalile ngani—yo yuyuswe, twe twalyaga nukunwa nagwe bo afumile pakusyuka mbafwe.

Ukusyuka Lo Lusubilo Ulukulumba Kumyitu 39

Matai 16:21

Popapo Yesu alinkwanda papo ukubanangisya abafundigwa bake ukuti, fikuti abukege mu-Yerusalemu, mo ikwakukubilwaga fiyo kubakulumba na kubaputi abakulumba nakubamanyakalata, nukugogigwa, kangi bo gakindile amasiku matatu asyukege.

Naloliloli nikubabula une nikuti: Kikwisaga akabalilo, nalilino kalipo, apa abafwe bisakulipilikaga ilisyu lya Mwana gwa Kyala, abene aba bapilike bisakuyaga bumi....Syo munganyomokaga sisisi, buno kikwisaga akabalilo, apa bosa aba bali mmapumba bisakulipilikaga ilisyu lyake, po bende nukusoka; aba babombaga inunu bisakusyukilaga kubumi, naba babombaga imbibi bisakusyukilaga kukulongigwa. —Yohani 5:25, 28, 29

Mukamanya ukuti uswe twesa twe tokesigwe mwa Kristi Yesu, tokesigwe itolo mbufwe bwake? Po apa ndosvo tulinkusviligwa lumo nagwe ukwingila mbufwe; ukuti bo apa Kristi asyusigwe mbafwe nubukulumba bwa Gwise, mo mumo nanuswe twendelege mbumi ubupya. Namanga linga twiyongenie nagwe mbufwe bo bu bwake, po twisakwiyonganiaga nagwe bunobuno na pa pakusyuka. –Baroma 6:3-5

Luka 1:74, 75

Ukutupa uswe ukuti, bo tupokigwe kukiboko kya balugu, Tumbombelege yuyo kisita lutende, Mbwikemo na mbugolofu nkyeni mmyake, mmasiku gitu gosa.

2 Bakorinti 7:1

Lelo mwe baganigwa, apa lilino tuli nifingo sisisi, oko atwiyelusyege kubunyali bosa ubwa mbili nubwa mbepo, bo tukuntila Kyala tufikengepo pabwikemo ubupelelesye.

2 Timoti 2:21

Lelo linga yumo ikwiyepusya kuli fififi, yo ikuyaga kibombelo ikyimikigwa, ikisunguligwa, iki ikubombela umwenenakyo, iki kitendekesigwe ukuya kya mbombo yosa inunu.

1 Peteri 1:2

Aba basaligwe ukufwana bo mumo Kyala Tata abamanyile ngani; kangi bapeligwe ukuya bikemo mwa Mbepo, ukuti bamwitikege, kangi bamisiligwege nilopa lya Yesu Kristi; ilipyana nulutengano fyo fibalege mmyinu.

1 Peteri 1:15

Loli bo apa mwikemo uyu ababilikile, nanumwe muyege bikemo ndwendo lwinu losa; buno lisimbigwe ili likuti.

Abahiburi 13:12 Po apa yope na yu Yesu akubilwe panja pakipata, ukuti abelusyege abandu nilopa lyake.

Baefesi 1:4

Buno umwene atusungulile mmyake bo kikali nukwalisigwa ikisu, ukuti tuyege bikemo, kangi basitakilema nakimo nkyeni mmyake.

Matai 3:11

Une ne gwaki ne nikubokesya ga misi ga lupinduko, loli uyu ikwisaga munyuma mmyangu, yo angindile une amaka; yo ngabagila nukumpimbila ifilato fyake; umwene yo isakubokesyaga na Mbepo Mwikemo numoto.

1 Yohani 1:9

Loli linga tukwilata ubutulanongwa bwitu, umwene nsubili itolo kangi ngolofu, po ikutuswa ubutulanongwa bwitu, nukutwelusya ubusitabugolofu bwitu bosa.

Abahiburi 12:14

Amwiyulege ukuya ndutengano nabandu bosa, kangi muyege nubwikemo, ubu linga umundu akaya nabo, akabagila ukumbona uNtwa.

2 Peteri 3:11

Lelo apa fyosa fififi fya kuyonga bo bunobuno, po fikuti mwinogonege muno mubagile ukuyila ndwendo lwinu.

42 Abandu Aba Biswile Na Mbepo Mwikemo

Luka 11:13

Lelo linga umwe mwe babibi itolo, mumenye ukubapa abaninu ifyabupe ifinunu, po atisakukindililaga uGwisemwe uyu ali kumwanya ukubapa Mbepo Mwikemo aba bikunsuma?

Imbombo Sya Batumigwa 1:8 Loli mwisakwambililaga amaka bo Mpebo Mwikemo abisile, po

mwisakuyaga baketi

Baroma 8:9

Umwe loli mukaya banya-mbili, himma, loli muli banya Mbepo, linga naloli Mbepo gwa Kyala ayengile itolo mmyinu. Loli uyu linga akaya nagwe Mbepo gwa Kristi, bo akaya mundu gwake. Imbombo Sya Batumigwa 13:52

Abene abafundigwa balinkwisula nulusekelo na Mbepo Mwikemo.

Imbombo Sya Batumigwa 7:55

Umwene loli bo iswile Mbepo Mwikemo, popapo alinkululalila kumwanya, alinkububona ubukulumba bwa Kyala, alinkumbona na Yesu bo imile kukiboko ikililo kya Kyala.

Imbombo Sya Batumigwa 11:24

Namanga ali mundu nnunu, aliswile Mbepo Mwikemo nulwitiko; popapo ikilundilo ikikulumba kilinkongelapo kulubafu lwa Ntwa. Keta une ndipo nanumwe bwila, ukwakufika na kubumalikilo ikisu. —Matai 28:20b

Isakubapyasilaga amasosi gosa, bope nubufwe nalinga bo busulumanie, nalinga ko kukuta pamo ko kukaba fitisakuyangako kangi; namanga indasi syosa sikindile. —Ubusetuli 21:4

1 Peteri 4:12, 13

Mwe baganigwa, mungaswigaga umoto ugu gwisile ugwa kubagela, ukufwana ukuti kandu kahesya kabisile; loli bo mumo mukulilanila ingubilo sya Kristi, amusekelege; ukuti mwisemusekelege nukululutila, bo bukuboneka ubukulumba bwake. Yesu alinkumbula alinkuti: Linga umenye! Mbepe itolo kugwa lwitiko. —Ubusetuli 21:4

Matai 6:33

Loli amubulondege tasi ubutwa bwake nubugolofu bwake, napo fyosa fififi mukongeligwangapo.

Ulwene ulufingo ulu afingile kumyitu, bo bu bumi ubusitakumalika siku. —1 Yohani 2:25

2 Timoti 4:8

Ukwanda lilino ingiga ya bugolofu yikungulila, iyi uNtwa uyu yo ndongosi ungolofu isakumbaga pisiku lilyo; atisakumbaga nimwene itolo, himma, loli isakubapaga bosa aba bakuganile ukuboneka kwake. Namanga papo umwene akubilwe bo ikugeligwa, po apa abagile ukubatula bope aba bikugeligwa. —Abahiburi 2:18

44

Umwene loli Kyala ugwa lutengano, yo isakuntikaniaga mbibimbibi Setano kusi kumalundi ginu. Ilipyana lya Yesu Kristi uNtwa lyo liyege nanumwe.

-Baroma 16:20

Buno lukabagamo nalumo ulugelo ukukinda ulu lukubisila abandu, umwene loli Kyala yo nsubiligwa, yo atisakubaleka ukuti mugeligwege ukukinda pamaka ginu; loli pamopene nulugelo, ikubatendekekesya injila ya kuponelamo ukuti lungabatolaga. —1 Bakorinti 10:13

Loli uswe tumenye ukuti bosa aba banganile Kyala, bo ikubapelela utundu tosa ukulabila kubununu, nikubala aba ababilikile, bo papo alinogonile ngani umwene. —Baroma 8:28

Ulukubilo lwa aba bwanaloli lwingi, umwene untwa ikumponesya ndi syosa. —Zaburi 34:19

Apa linga kukisania mmisi amingi ngujaga pamopene na nugwe; na munyisi; sikabagila ukukwega, nululapi ulwa moto lutisakukokyaga. — Jesaja 43:2 Ubusetuli 3:5 Uyu linga ikusitola sisisi, yo isakufwikigwaga bunobuno imyenda imyelu, yope ningamu yake yitisakomoligwaga siku mwa kalata gwa bumi, kangi nisakuyiyobaga ingamu yake nkyeni mwa Tata, na nkyeni mbandumi bake.

Ubusetuli 3:12

Uyu linga ikusitola sisisi, yo nisakumpelaga ukuya mbanda mwa Tempeli gwa Kyala gwangu; yo atisakusokangamo siku, kangi nisakusimbaga ingamu ya Kyala gwangu pamyake, ningamu ya kaya ka Kyala gwangu; yo yu Yerusalemu umpya, uyu ikwiki ila ukufuma kumwanya kwa Kyala gwangu; nisakunsimbapo ingamu yangu imbya.

Ubusetuli 3:21

Uyu linga ikusitola sisisi, yo nisakumpaga pabutugasanio nanine, pakikota kyangu kya butwa, bo apa nanine nsitolile, kangi ndugasenie na Tata pakikota kyake kya butwa.

Ubusetuli 2:7

Uyu linga ali nasyo imbululukutu, yo alipilikaga isi Mbepo ikufibula ifipanga. Uyu linga ikusitola sisisi, yo nisakumpaga ukuti alyege iseke sya mumpiki gwa bumi, ugu guli mwa Paradisi gwa Kyala.

Kyala Ikujoba Nanuswe Ku Njila Ija Kwega Italaka

Abene loli abegi bo nikubalagila, ngaya yo une loli yo yu Ntwa, nikuti: Unkikulu angalekanaga nundume; —loli linga ikusoka, yo angegigwaga, pamo agomokelege ku kundume; —yope nunnyambala angandekaga unkasi. —1 Bakorinti 7:10, 11

Gwesa uyu linga ikundeka unkasi, ikwega uyungi, bo ikulogwa; na uyu linga ikumwe ga unkikulu uyu alekigwe nundume, bo ikulogwa. --Luka 16:18

Namanga unkikulu uyu ali nundume, yo apinyigwe nululagilo kundume akabalilo kosa bo undume aliko kubumi; loli linga afwile, po abuligwe kululagilo ulu lwalinkungisenie nundume. Popapo lelo linga ikusimila njungi, bo undume akali aliko kubumi, po ikuyobigwa ukuya ndogwe; loli linga undume ikufwa, po ikuya mwabuke itolo kululagilo, atikuya ndogwe napa linga ikwegigwa nuyungi. —Baroma 7:2, 3

Une loli nikubabula nikuti: Gwesa uyu linga ikulekana nunkasi, bo akatulamo inongwa ya buhahani, bo ampelile ukuya ndogwe. Kangi uyu linga ikumwega unkikulu uyu alekigwe, bo ikulogwa. —Matai 5:32 Lelo napa nikubuka kukubatendekekesya ubuyo, ngwisa kangi, nisakubambililaga kumyangu, ukuti kuno ndiko une ko nanumwe mukayege. —Yohani 14:3

Marko 8:38

Uyu linga ikuya nisoni kumyangu na kumasyu gangu, mbandu ba lilino abasimisi nabatulanongwa aba, yope na Nnyamundu isakuyaga nisoni kumyake, bo ikwisa mbukulumba bwa Gwise pamopene nabandumi abikemo.

Matai 24:30

Po ikimanyilo kya Nnyamundu kisakubonekaga kumwanya; nifikolo fyosa nkisu fisakwikung'undaga kukipambaga, bisakumbonaga Nnyamundu bo ikwisa mmabingu ga kumwanya, namaka nubukulumba ubusisya.

Ubusetuli 3:11 Nikwisa mbibimbibi; ukumililege kako uli nako, ukuti nayumo angapokaga ingiga yako.

Nanumwe amuyege bafisalyoyo, musikasyege nindumbula syinu, namanga ukwisa kwake uNtwa kusegelile. —Yakobu 5:8

Keta, ali nnyumba kusofu, komma ukwitika umwe. Namanga bo apa ikimweku kya njasi kikufuma kubusokelo kikumalikila kubuyongelo, bo bwisakuyaga bunobuno ubwisilo bwa Nnyamundu. —Matai 24:27

1 Yohani 3:2

Mwe baganigwa, lilino tuli bana ba Kyala; loli isya muno twisakuyilaga syo sikali ukuboneka. Loli tumenye ukuti bo abonike, twisakuyaga bo yuyo itolo, namanga twisakumbonaga bo mumo ayilile.

Ubusetuli 16:15

Keta nikwisa bo yu nhiyi, nsangalufu uyu ali maso, uyu ikufwala kanunu imyenda gyake ukuti angayaga itolo, ko kuti bangasibonaga imbelasoni syake.

Luka 12:40

Nanumwe lelo, amwiyalilege, buno Nnyamundu ikwisa pakabalilo aka mutikukinogona. Imbombo Sya Batumigwa 1:11

Mwe bandu ba mu-Galilai, mwimile fiki mukuketa kumwanya? Yesu yuyuyu, uyu afyusigwe kumwanya ukufuma kumyinu, isakwisilaga bo mumo mumbonile ukubuka kumwanya.

Matai 16:27

Namanga Nnyamundu ikuya pakwisa mbukulumba bwa Gwise pamopene nabandumi bake, po isakunhombaga umundu gwesa ukufwana nimbombo syake.

Luka 21:27

Panyuma lelo po bisakumbonaga Nnyamundu bo ikwisa mmabingu, namaka nubukulumba bu bwingi.

Ilisyu Lya Kyala

Ikya kumwanya nikya pasi fyo fikuyongaga, loli amasyu gangu gatisakuyongamo siku. -Luka 21:33

Umwene Yesu alinkubamula alinkuti: Mukusoba apa mukamanya isi sisimbigwe mwa kalata, gope namaka ga Kyala mukagamanya. -Matai 22:29

Yo yu Mbepo uyu ikupa ubumi, umbili go gukaya nimbombo nayimo; amasyu aga mbabulile, yo yu mbepo, bo bu bumi. –Yohani 6:63

Namanga ubukunguluka bukalisilemo siku mbwigene bwa mundu, loli abandu bayobaga isi sifumile kwa Kyala, bo abasukenie Mbepo Mwikemo.

-2 Peteri 1:21

Buno bosa abakalata aba Mbepo gwa Kyala abatuyile, banunu ukumanyikisya, nukusitobesya imbibi, nukungolosya umundu, nukumfunda umundu amahala ga bugolofu. -2 Timoti 3:16

Ilisyu lyako jo nyale ja malundigangu, kangi lumuli lwa njila jangu. –Zaburi 119:105

Mundumbula jangu momuno lilimo ilisyu lyako, ukuti ndingisa kukubombela ubutulanongwa. –Zaburi 119:11 The Scripture text used is from the New Testament Nyakyusa Ngonde by permission of United Bible Societies, Africa Regional Centre, Nairobi.

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc. P.O. Box 120 New Paris, IN 46553-0120

www.wmpress.org

6-15

167 Kinyakyusa HFA